

НЭ'МА ПАУЛОС ГАЛАТИЙАР'А

Пешготын

Галатйа Асйа Бьч'укда қэзакэ Р'омайе бу. Паулос дэма р'е-
витийа шандитийа^ф хвэйэ пешьнда бажаред Энтакйа Пьсид-
йайе, Листра, Дербэ, Қонйайеда һ'име щьвинед^ф бавэрмэнда
авитын у оса жи шарэке йан дё шара чуйэ вьр (К'аред Шандийа
13:13–14:26, 16:6; 18:23).

Ле бэле пэй Паулоср'а, чава шийед дэрэкэ, оса жи нава Галат-
йайеда даннасинкьред башқэ һатын у щьвина ван т'эвиһэв кьрын.

Гава Мьзгинийа^ф Мәсиһ бэла бу у нав мьлэтада һатэ қэбулкь-
рьне, эв пьрс жи пешда һат у готын: «Әwe кө т'обэ^ф дькэ гэрэке лы
гора Қануна^ф Муса^ф бе сьнэткьрьне^ф, кө бьбэ мәсиһийе^ф р'аст». Паулос һе пешда шьровэкьрьбу, кө эв йэк т'о шар нэ оса йэ. Чьмки эв р'ийа кө бавэрмэнда т'эви Мәсиһ дькэ йэк, эв бавэри^ф
йэ. Ле һьнэк һатьнэ нава щьвинед Галатйайе, һьмбэри Паулос
р'абун у готын: «Гэрэке Қануна Муса бе хвэйкьрьне, вэки бэр
Хвэде р'аст бенэ һ'эсабе».

Бь ве нэ'ме Паулос дьхвазэ фькьред йед оса вэгэр'инэ бэр-
бь бавэрийа р'аст, чьмки эв бь һинкьрьна нэр'аст жь бавэрийа
хвэ хальфи^ф бун. Әв сэрһатийа хвэ шьровэдькэ, дьбежэ чава
эв у Барнабас^ф чунэ Оршәлиме^ф у т'эви шандийед майин хэбэр
дан у чава Ақуб^ф, Пәтрус^ф у Йуһ'әнна^ф қольхе ван қэбул кьрын у
қайл бун, кө эв нава нэщьһуйа^ф даннасин кьн. (Дьбэ кө Паулос
бэ'са we чуйина хвэйэ Оршәлиме дькэ, йа кө К'аред Шандийа
15:1-4-да ньвисар ә).

Паулос изьне дьдэ хвэ кө эв хвэ шандийе Иса Мәсиһ һ'эсаб
кэ. Әв пыштгьрийе қольхе хвэ дькэ у дьбежэ, кө эв қольхе ви
нэ жь алийе мәрьвада^ф йэ, ле дайина Хвэде йэ у шандитийа ви
бона мьлэтед нэщьһу йэ.

Әу мерк’ими дьбежә, кө мәрв пә Қанун қәдандьне ль бәр Хвәде р’аст найе һ’әсабе, ле т’әне бь бавәркьрьне. Мәрв т’ө шар нькарә we хьлазбуна^ф кө Хвәде дьдә бь кьред хвәйә қәнщ қазьнш кә. Ахьрийе Павлос дьбежә, кө ә’мьре бавәрмәнда гәрәке бь азаййе у һ’зкьрьне бә, к’ижан кө Р’өһ’е^ф Пироз бь бавәркьрьна мәрва п’ешк’еш^ф дькә.

Сәрәшәма фькьра нә’ме

Пешготьн (1:1-10)

Һ’өкөме Павлос чава шанди (1:11–2:21)

Мьзгини к’әрәма Хвәде йә (3:1–4:31)

Щабдари у азаййа бавәрмәнда (5:1–6:10)

Пашготьн (6:11-18)

Сьлавкьрьн

1 ¹Әз Павлосе шанди^ф, нә кө жь алийе мәрвада йан бь дәсте мәрва к’ьфшбуйи мә, ле бь дәсте Иса Мәсиһ у Бав^ф Хвәде, Йе кө Әу жь мьрьне р’акьр, ²әз бь һ’әму бавәрмәндава т’әвайи бәрбьр’и wә щьвинед^ф Галатйайеда дьбьм.

³Дә бьра к’әрәм^ф у ә’длаийа Хвәде Баве мә у Хөдан^ф Иса Мәсиһ ль wә бә, ⁴Йе кө щанийа Хвә анәгори ә’мьре Баве мә Хвәде жь бәр гөнәд мөва да, wәки мә жь ви зөмане ньһайи хьраб хьлаз^ф кә. ⁵Шькьр жь Хвәдер’а һ’әта-һ’әтайе! Амин^ф.

Р’асти т’әне

Мьзгиникада^ф йә

⁶Әз ә’щәбмайи дьминьм, кө һун өса зу пышта хвә дьдьнә Хвәдеје кө бь сайа к’әрәма^ф Мәсиһ гази wә кьр у бәре хвә дьдьнә мьзгиникә дьн. ⁷Р’аст мьзгиникә дьн т’өнә, ле һьнәк һәнә wә т’әви һәв дькьн у дьхвазьн Мьзгинийа^ф Мәсиһ быгөһезьн. ⁸Ле һәгәр әм йан мьлийак’әтәк^ф жи жь ә’змен бе, мьзгиникә өса бьдә wә, к’ижан кө нә мина we Мьзгинийе йә, йа кө мә дайә wә, бьра ньфьр’ль wi бә! ⁹Чава мә пешда гот, ньһа жи диса дьбежьм: һәгәр йәк мьзгиникә нә мина we

Мьзгинийа кӧ вә қәбул кър
дьдә вә, бьра ньфър' ль ви бә!

¹⁰ Чьма эз ньһа дькьм мәрв
жь мьн р'ази бьн, йан Хвәде?
Йан гәло эз дькьм кӧ ль мәр
рва хвәш бем? һәгәр мьн һе
бьхвәста эз ль мәрва хвәш
бьһатама, мьн нькарьбу эз
бьбума хӧламе Мәсиһ.

**Чава Хвәде Павлос
кърә шанди**

¹¹ Эз ве йәке ль вә дьдьмә
һ'әсандьне хушк-бьрано, кӧ
әв Мьзгинийа мьн даннасин
кър, нә йа мәрвайи йә. ¹² Мьн
әв жь мәрва нәстанд, нә жи
жь кәсәки һин бум, ле Иса
Мәсиһ мьнва ә'йан кър.

¹³ Вә бона беп'әргалийа мь-
нә бәрәйә нава шьһутийеда
бьһистийә. Мьн бөһ'әсаб шь-
вина Хвәде дьзеранд у дькър
кӧ ве хьраб кьм. ¹⁴ Эз нава
шьһутийеда^ф жь гәләк һәвалед
хвәйә шьһу пешдәтър чубум,
алийе р'ав-р'ьзьма^ф кал-бавада
жи гәләки хвәйихирәт бум*.

¹⁵ Ле гава Хвәде хвәст, (Йе кӧ
эз бьжартьм, чахе эз һе зьке
дийа хвәда бум у бь к'әрәма
Хвә эз к'ьфш кьрьм), ¹⁶ Кӧр'е
Хвә мьнва ә'йан кър, кӧ нава
нәшьһуйада^ф Ви даннасин
кьм, һьнге мьн шевьра хвә
т'ӧ кәси нәкър*, ¹⁷ нә жи р'а-
бумә Оршәлиме, шәм әвед кӧ
бәри мьн бьбунә шанди, ле эз
пер'а-пер'а чумә Ә'рәбьстане
у дуса вәгәр'ийамә Шаме.

¹⁸ Паше се сала шунда р'абумә
Оршәлиме, кӧ Пәтрус^{ф*} бьби-
ньм у панздәһ р'ожа шәм ви
мам**. ¹⁹ Ле бәле жь шанди-
йед майин мьн т'ӧ кәс нәдит,
пештърә Ақубе^ф бьре Хӧдан.

²⁰ Чь кӧ вәр'а дьньвьсьм, эз
бәр Хвәде бехельф дьбежьм.
²¹ Паше чумә алийед Сурйайе
у Киликйайе. ²² Ле шьвинед
Мәсиһә Шьһустанеда^ф эз р'у
бь р'у нас нәдькьрьм. ²³ Вана
т'әне бьһистьбу кӧ: «Әве вәх-
тәке әм дьзерандьн, ньһа хвәха
ве бавәрийе^ф даннасин дькә,
к'ижан ви вәхтәке дькър кӧ

* ^{1:14} К'аред Шандийа 8:3; 22:3-5.

* ^{1:16} К'аред Шандийа 9:3-6.

* ^{1:18} Бь йунани хәбәр бь хәбәр аһа йә: «Кифас». «Кифас» бь зьмане
арами^ф те фә'мкьрьне: «Пәтрус».

** ^{1:18} К'аред Шандийа 9:26-30.

хьраб кә». ²⁴У бона мьн шькьри дьданә Хвәде.

Павлос у шандийед майин

2 ¹Паше чардәһ сала шунда т'әви Барнабас^ф диса р'а-бумә Оршәлиме, Тито жи мьн т'әви хвә бьр*. ²Эз чум, чьмки Хвәде бәр мьн вәкьр, кә һәр'ьм. У мьн әв Мьзгини ль ван да һ'әсандьне, йа кә эз нава нә-щ'ьһуйада даннасин дькьм, ле әв йәк мьн йед сәрәкәр'а башқә дьгот. Мьн нәхвәст кә эз бадихә^ф бьбәзьм йан бәзибьм. ³Ле һ'әта Титое т'әви мьн кә йунан бу, п'ейи сәр ви жи нә-кьрьнә, кә бе сьнәткьрьне^ф. Әв пьрс пешда һат, ⁴чьмки чәнд бьрайед дәрәв шулькинә нава мә, вәки щә'сусийе азаййа мә бькьн, йа кә бь сайа Мәсиг Иса мә дәст анийә. Вана дьхвәст әм бькьрана бьндәст. ⁵Ле мә қәт дәқәке жи гөр'а^ф ван нәкьр, кә р'астийа Мьзгинийе нава вәда һ'имгьрти бьминә.

⁶Ле бона ван жи, йед кә сә-рәкә к'ьфш дьбун, (қәт хәма

мьн нинә, кә әв бәре чь бунә, Хвәде фьрқийе накә нава мәр-ья), ван сәрәка жи т'ө тыште ну мьнр'а нәготьн. ⁷Ле сәрба-ра-сәрда дитьн кә ль мьн һатийә спартьне, вәки әз Мьзгинийе бьдьмә нәщ'ьһуйа*, чава кә ль Пәтрус жи һатийә спартьне, вәки Мьзгинийе бьдә щ'ь-һуйа^{ф**}. ⁸Чьмки Хвәде кә Пәтрус кьрә шандийе щ'ьһуйа, һәма Ви жи әз кьрьмә шандийе нәщ'ьһуйа. ⁹Гава Ақуб^ф, Пәтрус* у Йуһ'әннайе^ф кә «Стун» дьһа-тьнә һ'әсабе, бона we к'әрәма кә мьнр'а һатьбу дайине пе һ'әсийан, дәстед хвәйә р'асте чава нишана т'ьфақийе^ф данә мьн у Барнабас. Әв қайл бун, кә әм һәр'ьнә нава нәщ'ьһуйа у әв жи һәр'ьнә нава щ'ьһуйа. ¹⁰Т'әне ван һиви кьр, кә әм бәләнгаза бир нәкьн, йа кә эз хвәха жи дәмана we йәкеда мә.

Павлос шашийа Пәтрус һьлте^ф

¹¹Ле гава Пәтрус һатә Ән-такйайе, әз ашкәрә мьқабьли

* ^{2:1} К'аред Шандийа 11:30; 15:2.

* ^{2:7} Бь йунани хәбәр бь хәбәр аһа йә: «Нәсьнәткьрийа».

** ^{2:7} Бь йунани хәбәр бь хәбәр аһа йә: «Сьнәткьрийа».

* ^{2:9} Бь йунани хәбәр бь хәбәр аһа йә: «Кифас».

ви р'абум, чьмки эви шаш бу. ¹² Бэри хатъна чэнд мэръвед кӧ Ақуб шандьбун, эви т'эви нэшьһуьед бавэрмэнд нан дь-хвар. Ле гава эвана хатън, эви хвэ дьда алики у вэдък'ышия, жь тьрса эвед кӧ дьготън, гэрэке нэшьһу бенэ сьнэткьрьне. ¹³ У шьһуьед бавэрмэндэ майин жи т'эви ви дӧр'ути кьрьн, һ'эта кӧ Барнабас жи хальфи^ф, к'этэ нава we дӧр'утийа ван. ¹⁴ Ле гава мьн дит кӧ эвана нава р'астийа Мьзгинийеда наминьн, һынге ль бэр һ'эму-йа мьн готэ Пэтрус: «Һэгэр тө шьһу йи, мина йэки нэшьһу дьжийи у нэ мина шьһуя, тө чава дьки сэр нэшьһуя, кӧ бьбьнэ мина шьһуя?»

**Шьһу у нэшьһу һэр дӧ жи
пе бавэрийе хьлаз^ф дьбьн**

¹⁵ Эмэ кӧ э'сьле хвэда шьһу нэ у нэ жь «нэшьһуьед гӧнэ-к'ар^ф» ьн, ¹⁶ заньн кӧ мэръв бь кьред Қануне нькарэ р'аст бе һ'эсабе, ле т'эне бь Иса Мэсиһ бавэркьрьне. Мэ жи Мэсиһ Иса бавэр кьр, вэки бь Мэсиһ

бавэркьрьне эм р'аст бенэ һ'э-сабе, нэ кӧ бь кьред Қануне, чьмки т'ӧ қул-бэндэ бь кьред Қануне нькарэ р'аст бе һ'эса-бе*. ¹⁷ Ава һэгэр эм дькьн бь Мэсиһ р'аст бенэ һ'эсабе у we гаве хӧйа бэ, кӧ эм хвэха жи мина ван гӧнэк'ар ьн, һынге Мэсиһ бу вэк'иле гӧна? Т'ӧ шар! ¹⁸ Һэгэр эв тыштед мьн хьраб кьрьнэ, диса дэстпедь-кьм чедькьм, эз нэһэқийа хвэ дьдьмэ избаткьрьне. ¹⁹ Чьмки эз бь Қануни бона Қануне мь-рьм, вэки бона Хвэде бьжим. Эз т'эви Мэсиһ хач^ф бум, ²⁰ жь вьр шунда нэ кӧ эз дьжим, ле Мэсиһ э кӧ нава мьнда дьжи. У ньһа кӧ эз ви қальбида дьжим, бь Кӧр'е^ф Хвэде бавэркьрьне дьжим, Йе кӧ эз һ'ыз кьрьм у щанийа Хвэ бона мьн да дэр. ²¹ Эз к'эрэма^ф Хвэде т'эхсир накьм, чьмки һэгэр р'астһ'э-саббун^ф бь Қануне буйа, кӧ ӧса йэ Мэсиһ бадихэва мьр.

Қанун у бавэри

З ¹ Гэли галатийед беһ'ыш! К'е сәре вә т'ьжи кьр?* Нэ

* ^{2:16} Р'омайи 3:20-22.

* ^{3:1} Нав һьнэк дэстньвисарада эв жи һэйә: «Кӧ һун гӧр'а р'астийе нэкьн».

ахър Иса Мәсһһ ль бәр ч'ә'ве
 вә хачбуйи һатә дийаркьрьне?
 2 Эз т'әне ве йәке дьхвазьм жь
 вә бьзаньбьм: Вә Р'өһ'е Хвә-
 де бь Қанун қәдандьне станд,
 йан бь Мьзгини бьһистьне у
 бавәрийа хвә же анине? 3 Чьма
 һун һақас беһ'ьш ьн, кә вә бь
 Р'өһ'е Хвәде дәстпекьр у нь-
 һа бь мәрьвайи хьлаз дькьн?
 4 Һақас тьшт бадһһәва һатьнә
 сәре вә? Һақәвьмә кә бадһ-
 һәва бьн! 5 Чьма әв Хвәдеје
 кә Р'өһ'е Хвә п'ешк'еши^ф вә
 дькә у нава вәда к'әрәмәта
 дькә, бона Қанун қәдандь-
 на вә дькә, йан бона кә вә
 Мьзгини бьһист у бавәрийа
 хвә же ани?

6 Мәсәлә, бона Бьраһим^ф аһа
 ньвисар ә: «Бьраһим Хвәде ба-
 вәр^ф кьр у әв йәк жер'а р'асти
 һатә һ'әсабе»*. 7 Ава заньбьн,
 йед кә бавәр дькьн әв ьн за-
 р'ед Бьраһим*. 8 Ньвисаре һе
 пешда дабу к'ьфше, кә Хвәде

нәщьһу бь бавәрийе^ф we р'аст
 һ'әсаб бькьрана у зува Мьзгини
 дабу Бьраһим кә: «Бь тә дөа-
 йе һ'әму мьләта бьбә»*. 9 Ава
 әвед кә бавәр дькьн, т'әви
 Бьраһиме бавәрмәнд дөа ль
 ван те кьрьне.

10 Әвед кә хвә спартьнә^ф кь-
 ред Қануне, әв бьне ньфьр'еда
 нә, чьмки ньвисар ә: «Ньфьр'
 ль һәр кәси йә, йе кә нава һ'әму
 ньвисаред к'ьтеба Қанунеда
 наминә у нақәдинә»*. 11 Ә'йан ә
 т'ө кәс бь Қануне нькарә ль бәр
 Хвәде р'аст^ф бе һ'әсабе, чьмки
 ньвисар ә: «Йе р'аст we бьжи,
 чьмки бавәр дькә»*. 12 Ле Қа-
 нун бь бавәрийе нинә, ле бәле
 чава ньвисар дьбежә: «К'и кә
 т'әмийед Қануне **бьқәдинә** бь
 ван we бьжи»*. 13 Мәсһһ әм жь
 we ньфьр'а Қануне к'ьр'ин, әв
 дәвса мә к'әтә бьн we ньфьр'е,
 чьмки ньвисар ә: «Ньфьр' сәр
 йе дарва дардакьри йә»*. 14 Әв
 йәк бу, вәки бь Мәсһһ Иса

* 3:6 Дәстпекун 15:6; Р'омайи 4:3.

* 3:7 Р'омайи 4:16.

* 3:8 Дәстпекун 12:3; 18:18; 22:18.

* 3:10 Қануна Дөщари 27:26.

* 3:11 Аһа жи те фә'мкьрьне: «Йе бь бавәрийе р'астһ'әсаббуйи we бь-
 жи». Һәбақуқ 2:4.

* 3:12 Қануна К'аһинтийе 18:5.

* 3:13 Қануна Дөщари 21:23.

дöайе Бьраһим бе сәр нәшь-
һуйа, кö бь бавәрийе әм Р'öһ'е
создаи бьстиньн.

Созе Хвәде у Қанун

15 Хушк-бьрано! Әз тиньмә
сәр ә'дәте дьне. Һәгәр йәки
вәсийәтәк^ф т'әстиқ кьрьбә, т'ö
кәс нькарә we бәтал кә, йан
жи тыштәки дьн сәрда зедә
кә. 16 Аwa әw соз Бьраһим у
зөр'әта wir'а һатьнә дайине.
Ньвисаредә найе готьне: «Зө-
р'әтед тә» чаwa бона гәләка, ле
бона йәки: «Зөр'әта тә»* у әw
зөр'әт Мәсиһ ә. 17 Аwa готи әз
ве йәке дьбежьм, әw вәсийәта
кö пешда жь Хвәдеда һатьбу
т'әстиқкьрьне, Қануна кö чар-
сьд си сали шунда дәрк'әт, нь-
карә öсә бькә, вәки вәсийәта
создаи қәwата хwә öнда кә*.
18 Чьмки һәгәр wарти Қанунева
гьредайи буйа, we создайинева
гьредайи нибуйа, ле Хвәде бь
соз п'ешк'еши Бьраһим кьр*.
19 Иди мәрәме Қануне чь бу?
Қанун сәрда зедә бу кö нәһ-

қи бе наскьрьне у гәрәке әw
бьма һ'әта һатьна Зөр'әта wi,
к'ижанир'а соз дабу. Қанун жь
алийе мьлйак'әтада, бь дәсте
навчетийа йәки* һатә дайине**.
20 Бона вәсийәткьрьне навче-
ти нә лазьм ә гава вәсийәт бь
дәсте йәки те кьрьне у ль вьр
әw йәк т'әне Хвәде йә.

Wар у хöлам

21 Аwa Қанун мьқабьли созед
Хвәде йә? Т'ö шар! Бәле һәгәр
қанунәк һәбуйа, кö бькарьбу-
йа жийин бьда, һьнге ә'сәйи
р'астһ'әсаббун we бь қануне
бьбуйа. 22 Ле ньвисар һ'әмуйа
бьн һесиртийа гөнәда^ф дьдә
к'ьфше, вәки чь кö бь Иса
Мәсиһ бавәркьрьне һатьбу-
нә создайине, бавәрмәндар'а
бенә дайине.
23 Бәри һатьна бавәрийе,
әм бьн дәсте Қанунедә чаwa
гьрти дьһатьнә хwәйикьрьне,
һ'әта хöйабуна we бавәрийе
кö we бьһата. 24 Бь ви аwайи
Қанун бу т'әрбәтдаре^ф мә у әм

* 3:16 Дәстпәбун 12:7; 13:15; 24:7.

* 3:17 Дәрк'әтгьн 12:40.

* 3:18 Р'омайи 4:14.

* 3:19 Әw йәк Муса^ф бу.

** 3:19 Қануна Дöшари 33:1-3; Ибрани 2:2; К'аред Шандийа 7:38, 52.

бэрбър'и Мәсиг анин*, кӧ эм бь бавәрийе р'аст бенә һ'әсабе. ²⁵ Ле ньһа кӧ бавәри һат, эм иди нә бьн дәсте т'әрбәтдаре Қанунеда нә.

²⁶ Бь бавәрийе һун һ'әму йәктийа Мәсиг Исада лавед Хвәде нә*. ²⁷ Һун һ'әму кӧ йәктийа Мәсигда һатьнә нь-хӧмандьне^ф, вә Мәсиг сәр хвә вәргьртийә. ²⁸ Иди фьрқи нә нава шьһу у нәшьһуйада һәйә, нә нава хӧлам у азайада, нә жи нава мера у жьнада, чьмки һун һ'әму жи йәк ьн йәктийа Мәсиг Исада. ²⁹ У һәгәр һун п'ара Мәсиг ьн, вәки ӧса йә зӧр'әта Бьраһим ьн у вәред ви сози нә*.

баве к'ьфш кьрийә. ³ Ӧса жи эм гава һе р'ӧһ'анида «хьшим» бун, мә хӧламти сьхьред^ф ве дьнйайер'а* дькьрьн. ⁴ Ле гава вәхт пер'а гьһишт, Хвәде Кӧр'е Хвә шанд, кӧ жь к'ӧл-фәте^ф бу у к'әтә бьн Қануне, ⁵ вәки йед бьн Қануне аза кә у эм жи һәге лавтийа Хвәде бьстиньн*. ⁶ Ава һун кӧ лавед Ви нә, Хвәде Р'ӧһ'е Кӧр'е Хвә шандә нава дьле мә, кӧ гази Хвәде дькә: «Абба^ф!» ава готи «Баво!» ⁷ Бь ви авайи иди тӧ нә хӧлам и, ле лав и у һәгәр лав и, ӧса жи Хвәде тӧ кьри вәре Хвә.

Хәмгинийа Павлос бона галатийа

4 ¹ Ава әз дьбежьм, вәре кӧ хвәйе һәр тышти йә, ле һ'әта кӧ хьшим ә жь хӧлем найе фьрқикьрне. ² Әв бьн дәсте хвәйкьрийа у хәмк'е-шада йә, һ'әта ви вәхте кӧ

⁸ Бәре, гава вә Хвәде нас нәдькьр, вә хӧламти йед ӧса-р'а дькьрьн, кӧ р'аст нә хвәде бун. ⁹ Ле ньһа кӧ вә Хвәде нас кьрийә, ле бәле Хвәде жи һун нас кьрнә, һун чава диса

* ^{3:24} Аһа жи те фә'мкьрне: «Қанун бу т'әрбәтдар һ'әта һатьна Мәсиг».

* ^{3:26} Аһа жи те фә'мкьрне: «Һун һ'әму жи кӧ бавәрийа хвә Мәсиг Иса тиньн, лавед Хвәде нә».

* ^{3:29} Р'омайи 4:13.

* ^{4:3} Бь готьнәкә дьн: «Қәват йан һ'ӧнӧред р'ӧһ'ед ве т'әбийәтеда, йан жи р'ав-р'ьзм у қәйдә-қанунед ве дьнйайе».

* ^{4:5-7} Р'омайи 8:15-17.

вэдьгэр'ынэ сэр ван сьхьред ве дьнейэ бeдəwатэ нэ т'ö тышт у диса дьхwазьн хöламтийе ванр'а бькьн? ¹⁰ Һун гöһ дьдьнэ р'ожед һ'эсаб, мəһа, р'ожгар у сала. ¹¹ Эз бона wə дьтьрсьм, кө əw шьхöле мьн бона wə кьрийэ дəйа һэр'э.

¹² Эз һиви жь wə дькьм хушк-бьрано, бьбьнэ мина мьн, чьмки эз жи мина wə бумэ. Wə т'ö зийан нэдайэ мьн. ¹³ Һун заньн кө щара пешьн бeсьһ'этийа қальбе мьн бу мə'ни, мьн Мьзгини да wə. ¹⁴ У чь кө һатэ сэре қальбе мьн, əw йэк бу щер'ьбандьнэк^ф бона wə, ле диса wə эз бeһöрмэт нэкьрьм йан пышта хwə нэда мьн, ле wэкэ мьльйак'этэки Хwəде эз қəбул кьрьм у wэкэ Мэсиһ Иса. ¹⁵ Əw шабуна wə чава бу? Эз wэкэ шире хwə, һэгэр жь дəст wəва бьһата, wəйе ч'ə'ве хwə жи дэрхьста бьда мьн. ¹⁶ Иди эз бумэ дьжмьне wə, wэки мьн wэр'а р'аст хэбэр дайэ?

¹⁷ Əwed майинэ кө к'этьнэ дəмана wə, əw хера wə нахwазьн, ле бəле əwana дьхwазьн wə жь мьн бьқəтиньн, wэки һун

бьк'эвьнэ дəмана ван. ¹⁸ Qəнщ э кө мэри дəмана қəншийеда бэ у нэ кө т'эне гава эз нава wəда бьм, ле һэр гав. ¹⁹ Lawед мьн, эз ньһа диса бона wə мина еша к'öлфəта дьк'ьшиньм, һ'эта кө Мэсиһ нава wəда бьгьһижэ. ²⁰ Хwəзи эз ньһа ль щэм wə бума у мьн тьһэре хэбэрдана хwə бьгöһаста, чьмки эз бона wə нава мьталада мə!

Мэсəла һашэр^ф у Сəрайе

²¹ Жь мьнр'а бежьн, һун кө дьхwазьн бьн Qанунeда бьн, wə нэбьһистийэ Qанун чь дьбежэ? ²² Ньвисар э кө: «Дö көр'ед Бьраһим һəбун, йэк жь щарийе бу, йэк жи жь жьна аза*». ²³ Əwe жь щарийе бу, əw бь бьнйат'а мэрьвайе бьбу, ле əwe жь жьна аза бу, əw ль гора созе Хwəде бу. ²⁴ Əва йэка щур'эки майин те фə'мкьрьне, əв һэр дö жьн дö пəйман^ф ьн: Йэк жь ч'ийайе Синайе^ф, бона хöламтийе тинэ, əw һашэр^ф бу*. ²⁵ һашэр Ə'рəбьстанeда те һ'эсабе ч'ийайе Синайе у һьмбэри Оршəлима ньһа дьбэ, кө зар'ед хwəва хöламтийе дькэ. ²⁶ Ле йа аза, əw

* 4:22 Дəстпeбун 16:15; 21:2.

* 4:24 Дəстпeбун 16.

Оршәлима жорьн те һ'әсабе, кӧ әв дийа мә һ'әмуяа йә*.

²⁷ Чъмки нъвисар ә:

«Ша бә, безӧр'әта кӧ тә зар' нәданин.

Бь әшқ бьстьре, дәнг бьльнд кә,

кӧ еша зар'анине тә нәк'ь-шанд.

Чъмки зар'ед тә мербәр'да-ийе

we жь зар'ед йа хвәйимер гәләктър бьн»*.

²⁸ Ава хун* хушк-бьрано, мина Ишақ^ф зар'ед ви сози нә**.

²⁹ Ле чава һьнге әве жь мәрвайе бьбу, йе жь алийе Р'ӧһ'да дьзеранд, ӧса жи ньһа*.

³⁰ Ле нъвисар чь дьбежә? «Әве шарийе кӧр'е weва бәрде дәр-хә, чъмки кӧр'е шарийе гәрәке т'әви кӧр'е жьна аза war нәбә»*.

³¹ Ава хушк-бьрано, әм нә зар'ед шарийе нә, ле зар'ед йа аза нә.

Азайийа хвә хвәй кьн

5 ¹ Бона азайийе Мәсиһ әм аза кьрьнә! We азайийе

qәwin бьгьрьн у диса нәк'ә-вьнә бьн ви нире хӧламтийе.

² Бьбьһен, әз Павлос wәр'а дьбежьм: һәгәр һун бьһельн кӧ һун бенә сьнәткьрьне, Мәсиһ т'ӧ к'аре надә wә. ³ Әз һәр мәрвьәкир'а диса мерк'и-ми дьбежьм, йе кӧ изьне дьдә хwә кӧ әв бе сьнәткьрьне, әв дәйндар ә кӧ т'әмаийа Qануне бьqәдинә. ⁴ У һәгәр һун бь Qанун qәдандьне дьхwазьн р'аст һ'әсаб бьн, wәки ӧса йә һун жь Мәсиһ qәтийайи нә у жь к'әрәме к'әти нә. ⁵ Ле чь жь мә дьк'әвә, әм бь сайа Р'ӧһ'е Пироз у пе бawәрийе һ'әйра we р'астһ'әсаббунеда нә, йа кӧ әм теда гӧман ьн. ⁶ Чъм-ки йәктийа Мәсиһ Исада, нә сьнәткьрьн тыштәк ә, нә жи нәсьнәткьрьн, ле сәри бawәри йә кӧ бь һ'ьзкьрьне йа хwә дькә.

⁷ Һун р'ьнд пешда дьчун! К'е һун данә сәкьнандьне, кӧ ельми^ф р'астийе нәбьн? ⁸ Әва һелана нә жь Ви йә, Йе кӧ

* ^{4:26} Аһа жи те фә'мкьрьне: «Ле Оршәлима жорьн аза йә, әв дийа мә йә».

* ^{4:27} Ишайа 54:1.

* ^{4:28} Нав һьнәк дәстньвисарада дәwса «һун» «әм» һәйә.

** ^{4:28} Дәстпелун 17:18-22.

* ^{4:29} Дәстпелун 21:9.

* ^{4:30} Дәстпелун 21:10.

гази вә кьрийә. ⁹ «Һьнәк һә-
виртьр'шк^ф т'эмамия һәвир
һьлтинә»*. ¹⁰ Ле әз бь йәктийа
мәйә Ходанда вәда гөман ьм,
кө һуне тыштәки майин нә-
фькьрһн, ле әвә фькьред вә
т'әви һәв дькә вә сәр бәла хвә
вәбә, к'и жи һәбә.

¹¹ Ле әз хушк-бьрано, һәгәр
һәла һе сьнәткьрһне даннасин
дькьм, иди чьма темә зеран-
дьне? Вәки өса йә гәрәке т'ө
кәсе жь хаче Мәсиһ п'ьшк^ф
нәбуйа. ¹² Хвәзи йед кө фькь-
ред вә т'әви һәв дькьн, хвәха
хвә к'океда жи бьбьр'ийана!

¹³ **Һун** азайийер'а һатьнә
газикьрһне хушк-бьрано, ле
т'әне әв азайийа вә бьра нә-
бә мәщала хвәстьна бьнйат'а
инсен. Дәвса вә бь һ'ьзкьрһне
һәвдөр'а хөламтийе бькьн.
¹⁴ Чьмки т'эмамия Қануне
бь вә готьне те сери: «Һәвалә
хвә вәкә хвә һ'ьз бькә»*. ¹⁵ Ле
һәгәр һун дәв бавезьнә һәвдө,
һәвдө бьхвьн, мьқати хвә бьн,
кө к'ока һәвдө нәйһн.

**Бәред Р'өһ'е^ф Пироз
у бьнйат'а мәрвьайе**

¹⁶ Ава әз дьбежьм, бь сайа
Р'өһ'е^ф Пироз бьмәшьн у һуне
хвәстьнед бьнйат'а инсен нә-
кьн. ¹⁷ Чьмки хвәстьна бьнйат'а
инсен мьқабьли Р'өһ' ә, Р'өһ'
мьқабьли бьнйат'а инсен ә. Әв
һәр дө ль һәв накьн, ләма һун
һькарьн хвәстьнед хвә бькьн*.
¹⁸ Ле һәгәр һун бь Р'өһ' тенә
р'әбәрикьрһне, һун нак'әвьнә
бьн дәсте Қануне.

¹⁹ Ава кьред бьнйат'а инсен
ә'йан ьн: Бенамуси, һ'әрами^ф,
толти, ²⁰ п'утп'арьсти^ф, пи-
рәсерти, нәйарти, шәр'-дә'w,
һ'әвсуди, һерск'әтьн, һәвр'ь-
к'и*, дөтирәти, щөдәти, ²¹ ч'ә'вә
хьраб, меркөжи*, сәрхвәш,
куч'ьксанти у чь кө мина ван
ьн. Әз һьһа вәр'а дьбежьм,
чава кө мьн пешда жи вәр'а
готьбу, кө йед ван тышта дькьн,
П'адшатийа^ф Хвәде вар наьн.

²² Ле бәред Р'өһ' әв ьн:
Һ'ьзкьрһн, шабун, ә'дьяйи,

* 5:9 Корьнт'и I, 5:6.

* 5:14 Қануна К'аһинтийе 19:18.

* 5:17 Р'омайи 7:15-23.

* 5:20 Аһа жи те фә'мкьрһне: «Т'әне хвәр'а».

* 5:21 Нав һьнәк дәстньвисарада «меркөжи» т'өнә.

сэбъркьрын, ширьнайи, қәнщи, амьни, ²³мьлукти, хвәгьртын. Ындава ван тыштада қанун т'өнә. ²⁴У әвед кә п'ара Мәснх Иса нә, бьнйат'а хвә бы т'әви тәмед хьраб у навьжийава сәр хач кәштнә. ²⁵Әм кә бы сайа Р'өһ' дьжин, бы р'ебәрийа Р'өһ' бьмәшын. ²⁶Әм к'өбар нәбын, агьре һәв гөр' нәкын у һ'әвсудийе ль һәвдә нәкын.

Баред һәвдә һьлдн

6 ¹Хушк-бьрано, һәгәр йәк нәһәқиқеда бе гьртне, һун кә р'өһ'ани нә, ви биньнә сәр р'ийа р'астийе, ле бы р'өһ'е мьлуктийе. Ле һаш жь хвә жи һәбын, кә һун нәк'әвнә шер'ь-бандьне. ²Баред һәвдә һьлдн у бы ви авайи һуне қануна Мәснх бьқәдиньн. ³Һәгәр йәк хвә дәвса тыштәки датинә у хвәха нә т'ө тышт ә, әв хвәха хвә дьхапинә. ⁴Бьра һәр кәс кьрьнед хвә бьдә сәр мезине у паши һынге жь хвә р'азн бә, нә кә хвә һьмбәри һәвале хвә кә. ⁵Чьмки һәр кәсе хөрша хвә һьлгьрә.

⁶Әве һини хәбәра Хвәде дьбә, гәрәке һәр тыштед қәнщ т'әви дәрсдаре хвә п'ар кә. ⁷Нәхәпн, Хвәде набә пек'ә-

ни. Чьмки мәрв чь дьчинә, we жи дьчнә. ⁸К'и кә бона бьнйат'а хвә дьчинә, әве жь we бьнйат'е мьрьне бьчнә, ле к'и кә бона Р'өһ' бьчинә, we жь Р'өһ' жийина^ф һ'әта-һ'әтайе бьчнә. ⁹Жь қәнщкьрьне жи ащз нәбын, чьмки әме вәхтда бьчннн һәгәр әм нәднә дәр. ¹⁰Ава һ'әта кә вәхт дәстед мәда йә, һ'әмуяр'а қәнщийе бькын, илаһи^ф нәфәрәд мала Хвәдер'а.

Т'әми у сьлавед ахьрийе

¹¹Дина хвә бьднә, әз бы чь һ'әрфед гьр ньһа вәр'а дньн-внсьм. ¹²Әвед кә дьхвазьн жь дәрвава хвә бьднә к'ьфше, әв п'ейи сәр вә дькын, кә һун бенә сьнәткьрьне. Ле әвана ве йәке дькын, кә т'әне бона хаче Мәснх әв нәйенә зерандьне. ¹³Әвед хвәйиснәт хвәха Қануне хвәй накын, ле дьхвазьн кә һун бенә сьнәткьрьне, вәки әв бы нишана қальбе вәйи мәрьвайи бьфьр'ьн. ¹⁴Ле жь **мын** нак'әвә кә әз бы тыштәки дьн бьфьр'ьм, пештьри бы хаче Хәдане мә Иса Мәснх, бы к'ижани дьн-йа бона мын хачбуйи йә, әз жи бона дьнйайе. ¹⁵Бәле нә сьнәткьрьн тыштәк ә, нә жи

ГАЛАТИ, 6

нэсьнэткърн, ле сэри әв ә,
кө бьбын ә'фьринәки ну. ¹⁶Дә
бьра ә'дьлайи у р'ә'м сәр ван
һ'әмуйа бә, к'ижанед кө анә-
гори ве йәке дьжин у өса жи
сәр Исраела^{ф*} Хвәде бә.

¹⁷Жь вьр шунда бьра т'ө кәс
зә'мәте нәдә мьн, чьмки мьн
даха бьринед Иса һьлдайә сәр
бәдәна хвә. ¹⁸Дә бьра к'әрәма
Хөдане мә Иса Мәсһ т'әви р'ө-
һ'е вә бә хушк-бьрано. Амин.

* ^{6:16} «Исраел» р'өһ'ани те фә'мкърне (Р'омайи 3:28-29; 9:6-29; Га-
лати 3:28-29).